



39103

kat.komp.

Mag. St. Dr.

P

Teol. 2811

hensiones

Crac. Fratrum min. Jheros. Oberv. in conventu Crac.

ad S. Casimirum: Quaestiones theologiae  
de altissimo sanctissi. Trinitatis arcano.

1662



Reg. 5.19 a.a.a.





CONCLVSIONES  
THEOLOGICÆ,  
DE

Altissimo Sanctissimæ

TRINITATIS  
ARCANO.

ÆD

mentem Doctoris Subtilis

Concinnatæ.

aaa,



39103T





**I**mmensa Omnipotentis DEI circa hominem potentia, quæ ad imaginem & similitudinem suam creauit, videns quod prototypum suum, viribus naturæ, nondum clarè & euidenter, sed nec probabiliter quidem (intelligendo per opinionem probabilem, illam, cuius motiuum est verisimilius motiuo opinionis oppositæ) cognoscere possit; eidem reuelauit dari Sanctissimam Trinitatem, seu tres verè subsistentes Personas in Diuinis realiter distinctas, quarum quælibet, Pater scilicet, Filius, & Spiritus Sanctus est verus DEVS, habentq; vnā & eandem numero essentiam, seu Naturam Diuinam.

## II

**P**rocessionem seu Productionem in Diuinis duas & non plures datur; & non egrediuntur immediatè ab essentia Diuina sola, distinguitur ab intellectu & voluntate, nec tanquam à principio Quo; nec tanquam à principio Quo; sed Processio Filij egreditur ab essentia & intellectu, tanquam à principio Quo: Spiritus Sancti vero processio, egreditur à sola voluntate tanquam à principio Quo.

## III

**I**ntellectio & volitio Diuina, non sunt principia Quo processionum Diuinarum: nec sunt ipsæmet processionem Diuinæ: sed processio cuius est principium intellectus, est relatio generationis; quæ vocatur Dictio, quatenus est productio verbi: & processio cuius principium est voluntas, non est amor, sed relatio spirationis actiue. Quæ processionem Diuinæ, vt distinguuntur inter se, habent pro termino formali proprietates constitutiuas Personarum productarum: vt verò distinguuntur ab alijs quibuscunq; processionibus cre



eat, pro termino formali, tam bene possunt dici habere essenti-  
am Diuinam, quam proprietates illas: distinguuntur autem inter  
se, nedum numero, sed etiam specie, vel quasi specie; conueniunt  
tamen vniuocè in ratione processions Diuinæ vt sic.

#### IV.

**D**antur proprietates constitutiue in Diuinis, quibus Personæ Di-  
uinæ non solum secundum quod à nobis concipiuntur, sed eti-  
am secundum esse quod habent à parte rei, distinguuntur & consti-  
tuuntur: ac etiam relationes originis, quæ sunt reales quoad esse  
in se, & quoad esse ad; suntq; tantum quatuor. Ex quibus quatuor  
relationibus, Paternitas, Filiatio, & Spiratio passiuæ distinguuntur  
realiter: Spiratio verò actiua non distinguitur realiter à Paternita-  
te, & Filiatione, sed solum à Spiratione passiuæ.

#### V.

**R**obabilius est quòd Personæ Diuinæ per se primo consti-  
tuantur per relationes formalissimè sub conceptu relationum, idq;  
secundum esse Ad, quam secundum esse In: constituuntur au-  
tem per eas nedum in ratione talium, scilicet Patris, Filij, & Spi-  
ritus Sancti, sed etiam formaliter in ratione Personarum non con-  
stituuntur verò Personæ Diuinæ in ratione Personæ vt sic, aliter, quàm singu-  
la omnia in ratione singularis vt sic.

#### VI.

**R**elationes originis in Diuinis formaliter cōsideratæ, dicunt perfectio-  
nem infinitam; & nullo modo distinguuntur ab originibus. Præ-  
terea quippe substantias relatiuas, datur in Deo substantia abso-  
luta communis tribus Personis Diuinis.

#### VII.



## VII.

**N**omen Patris notionaliter & propriè sumptum, soli primæ Personæ improductæ competit, sumptum verò essentialiter & impropriè, quatenus dicitur de Deo in ordine ad creaturas, est commune omnibus tribus Personis: Ingenitum quoq; seu Innascibile prout dicit negationem omnis omnino productionis in aliquo supposito seu substantia vt Quod & vt Quo, est proprium Primæ in Deitate Personæ; fundaturq; defacto in Paternitate Diuina, id est sequitur necessario ad ipsam, non quidem formaliter sub ratione Paternitatis, sed sub ratione entitatis hypostaticæ primæ.

## VIII.

**P**ater est verè & propriè principium, nedum creaturarum, sed etiam ad intra respectu Personarum Diuinarum; neutro tamen modo est illi soli proprium illud nomen? qui etiam volens generat Filium, & quidem volitione aliquomodo priori quam sit ipsa generatio, nec tamen prius ad eam terminata quàm sit generatio: nequæ sit principium Quod aut Quo proximum aut remotum generationis, nec etiam prius competente Patri quam sit generatio.

## IX.

**N**omen Filij est proprium nomen secundæ in Diuinis Personæ ipsiq; soli inter Personas Diuinas conueniens. Similiter nomen Imaginis, ac nomen verbi, sunt propria nomina secundæ in Diuinis Personæ & non appropriata. Incomplexum verò nomen Sapientia non est proprium nomen Secundæ Personæ sed appropriatum: complexum tamen, scilicet Sapientia genita, est ipsi soli proprium: quia Sapientia genitâ, Pater non potest dici Sapiens.



# X.

**V**erbum Diuinum non procedit ex cognitione Personarum Diuinarum; nec consequenter ex cognitione vllarum creaturarum possibilem siue futurarum: vnde cognitio Personarum Diuinarum intuitiua, ad proprias earum subsistentias terminata, non præsupponitur ad verbi productionem; multominus cognitio creaturarum actualium vel possibilem.

# XI.

**N**omen Spiritus Sancti, conuenit propriè tertiæ in Diuinis Personæ, accipiendo Spiritum Sanctum pro spirato, non pro spiri-  
tu vt idē est quod immateriale. Nomē verò Amoris & Doni non nisi appropriatè conuenit ipsi. Procedit autem immediatè à Patre & Filio, ita vt habeant se ad illum tanquam vnum principium & vnus spirator; sed tanquam duo Spirantes.

# XII.

**P**rocessio Spiritus Sancti necessariò exigit esse à duobus suppositis, Patre scilicet & Filio; hæc tamen exigentia non est ex parte Spiritus Sancti, sed ex parte potentiarum, quatenus scilicet processio Spiritus Sancti est à voluntate, quæ posterius agit quam intellectus, & quæ consequenter debet communicari Filio, antequam producat Spiritus Sanctus, anterioritate originis: vnde si per impossibile voluntas prius ageret quam intellectus, aut æquè primò, Spiritus Sanctus à solo Patre procederet; & tamen adhuc tunc distingueretur à Filio realiter.

# XIII.



## XIII.

**M**issio temporalis Personæ Diuinæ, est operatio aliqua temporalis, per quam temporaliter apparet Persona ad intra producta, vbi ante non apparebat: vnde mitti Personam, est Personam productam apparere temporaliter, vbi ante non erat, eo modo quod eundem mittitur: mittere verò, est concurrere effectiuè ad apparitionem talem, alterius Personæ missæ. Poro solum Filius & Spiritus Sanctus mittuntur, et quidem quilibet à duabus Personis Diuinis

## XIV.

**E**ssentialia quæ sunt communia tribus Personis, rectè prædicantur in abstracto in singulari de tribus Personis, & qualibet ipsarum non tamen in plurali, ita, vt rectè dixeris: Pater & Filius & Spiritus Sanctus sunt Deitas, Sapientia, Potentia; Item, sunt vnius Deitatis, Sapientiæ, Potentiæ, Item vna est Personarum Deitas, Essentialia, Potentia; sed non rectè: Pater, Filius, & Spiritus Sanctus, sunt Deitates, Sapientiæ, Potentiæ &c. Essentialia autem in concreto de tribus Personis rectè prædicantur in numero singulari tantum: adiectiuè verè etiam in plurali prædicari possunt, vt rectè dixeris, Tres Personæ sunt DEVS, & similiter quod sint tres Personæ DIVINÆ

## XV.

**N**otionalia adiectiua non possunt prædicari de essentialibus in abstracto sumptis: vnde non rectè dixeris, DEITAS est generans, Spirans: Possunt tamen dici de essentialibus in concreto illo, quod in suo conceptu iuuoluit Personalitatem vel supposititalitatem, quod est ly Deus notionalia autem substantiua, tam in abstracto quam in concreto sumpta, possunt ritè prædicari de essentialibus, tam in concreto quam in abstracto sumptis; ita vt rectè dixeris Deus & Deitas est Paternitas, vel Filiatio, seu Pater & Filius.



XVI.

Proprietates Personales ex natura rei formaliter distinctæ, & a  
 ctus Notionales, de se inuicem non prædicantur, sumendo ista  
 in abstracto; bene tamen in concreto. Vnde non rectè dixeris Pater  
 itas est Filiatio, Generatio est Spiratio actiua vel passiua; bene ta  
 men in concreto vt Pater generat, Pater & Filius spirat, vel Spir  
 or spirat.

Defendentur à Fratribus Minoribus Strictionis Seruantia  
 in Conuentu Cracouiensi ad Sanctum Casimirum

Anno 1663. Mensis. Iuny. Die. 17. Hora. Ima  
 post merid.



CRACOVIE Apud Annam Teressiam Viduam ANDREÆ PETRICO  
 VII, Sacra Regie Maiestatis Typogr.

B3. 1. 10.



& a  
do ist  
Pate  
ené ta  
Spira

antia

ia  
rid

ICO

Biblioteka Jagiellońska



stdr0003618



